

四庫全書

子部

欽定四庫全書

喻林卷一百十七

明 徐元太 撰

物宜門 二

美惡

涇以渭濁湜湜

音殖

其沚

音止○詩國風谷風

秩秩斯干

叶居馬反

幽幽南山

叶所梅反

如竹苞

叶補苟反

矣如松茂

叶莫口反矣

詩小雅斯干

如跂斯翼如矢斯棘如鳥斯革

叶託力反

如翬

音輝

斯飛君子

攸躋

音齋○詩
小雅斯干

樂

音洛

彼之園爰有樹檀

叶徒
沿反

其下維櫟

音託

○樂彼之園

爰有樹檀其下維穀

詩小雅
鴈鳴

周原膺膺

音武

董荼如飴

詩大
雅絲

王雎之鳥雌鳩情意至然而有別

毛詩關
雎註

蜉蝣渠略也朝生夕死猶有羽翼以自修飾楚楚鮮明

毛詩蜉

蝣註

梅之樹善惡自有徒以鵲集其上而鳴人則惡之性因

惡矣

鄭氏箋
詩墓門

鷹則為鳩鷹也者其殺之時也鳩也者非其殺之時也
善變而之仁也故其言之也曰則盡其辭也鳩為鷹變
而之不仁也故不盡其辭也

大戴禮記
夏小正

田鼠化為鴽鴽也變而之善故盡其辭也鴽為鼠變
而之不善故不盡其辭也

大戴禮記
夏小正

燕之角荆之幹妘胡之筭吳粵之金錫此材之美者也

周禮考

工記

天有時地有氣材有美工有巧合此四者然後可以為

良材美工巧然而不良則不時不得地氣也

周禮考工記

凡相角秋網者厚春網者薄穉牛之角直而澤老牛之

角紵而昔疾疾險中瘠牛之角無澤

周禮考工記

職金掌凡金玉錫石丹青之戒令受其入征者辨其物

之媿惡與其數量揭而璽之入其金錫于為兵器之府

入其玉石丹青于守藏之府

周禮秋官職金

葑菲之菜上善下惡食之者不以其惡而棄其善

杜氏解左

傳信公三

十三年

澤之生物而險者蒺藜持之則傷

杜氏解左傳襄公二十五年

山有木藪有草毒螫之蟲在草在木

春秋正義宣公十五年

陸機云林木山下人語曰四足之美有鹿兩足之美有

鷓鴣

爾雅釋鳥疏

地之磽者雖有善種不能生焉江臯河瀕雖有惡種無

不猥大

前漢書賈山傳

物有善而不居惡而不可避甘醴有鴆毒藥酒有治病

前漢紀

孝哀

美金以鑄戈劔矛戟試諸狗馬惡金以鑄斤斧鉏夷鋸

擣試諸木土

管子
小匡

靈鵲兆喜恠鵬塞耳

師曠
禽經

班鳩辨鵲梟鴟害母

師曠
禽經

慈烏反哺白脰烏不祥巨喙烏善警哀烏吟夜

師曠
禽經

蝮蛇不可為足虎豹不可使緣木

淮南子
說林訓

明月之珠蠟之病而我之利虎爪象牙禽獸之利而我

之害

淮南子
說林訓

華不時者不可食也

淮南子
說林訓

絮之細者曰繡繒之精者曰縞縞之麤者曰素葛之精

者曰絺麤者曰綌

小爾雅
廣服

蜋蚶與魚比故生於草澤蜂蠆與鳥同故產於屋樹江北地燥故多蜂蠆江南地濕故多蜋蚶生高燥比陽陽物懸垂故蜂蠆以尾刺生下濕比陰陰物柔伸故蜋蚶以口醋毒或藏於首尾故蜃醋有毒或藏於醢膚故食

之輒憑或附於脣吻故舌鼓為禍

王充論衡言毒篇

龍有毒蛇有螫故蜺有利牙龍有逆鱗

王充論衡言毒篇

慈烏曰孝鳥長則反哺其母

張華註禽經

空桑之山有獸焉其狀如牛而虎文其音如欽其名曰

軫軫其鳴自叫見則天下大水

山海經東山經

豺山有獸焉其狀如夸父而彘毛其音如呼見則天下

大水

山海經東山經

姑遂之山有獸焉其狀如狐而有翼其音如鴻鴈其名

曰獬獬見則天下大旱

山海經
東山經

磈山有獸焉其狀如馬而羊首四角牛尾其音如犍狗

其名曰狻猊見則國多狡客

山海經
東山經

欽山有獸焉其狀如豚而有牙其名曰當康其鳴自呌

見則天下大穰

山海經
東山經

女烝之山石膏水出焉而西注于鬲水其中多薄魚其

狀如鱸魚而一目其音如歐見則天下大旱

山海經
東山經

餘峨之山有獸焉其狀如兔而鳥喙鵠目蛇尾見人則

眠名曰狢狢其鳴自訐見則螽蝗為敗

山海經
東山經

剡山有獸焉其狀如彘而人面黃身而赤尾其名曰合

腴其音如嬰兒是獸也食人亦食蟲見則天下大水

山海

經東
山經

大山有獸焉其狀如牛而白首一目而蛇尾其名曰蜚

行水則竭行草則死見則天下疫

山海經
東山經

子桐之山子桐之水出焉而西流注于餘如之澤其中

多鰌魚其狀如魚而鳥翼出入有光其音如鴛鴦見則

天下大旱

山海經
東山經

渴徂狡獸魋雀惡鳥或狼其體或虎其爪安用甲兵擾

之以道

山海經東
山經圖讚

蜚則災獸跂踵厲深會所經涉竭水槁林稟氣自然體

此殃淫

山海經東
山經圖讚

玉山是西王母所居也有獸焉其狀如犬而豹文其角

如牛其名曰狡其音如吠犬見則其國大穰

山海經
西山經

崇吾之山有鳥焉其狀如鳬而一翼一目相得乃飛名

曰蠻蠻見則天下大水

山海經
西山經

崑崙之丘有鳥焉其狀如蜂大如鴛鴦名曰欽原蠱鳥

獸則死蠱水則枯

山海經
西山經

鹿臺之山有鳥焉其狀如雄雞而人面名曰鳧溪其名

自叫也見則有兵

山海經
西山經

小次之山有獸焉其狀如猿而白首赤足名曰朱厭見

則大兵

山海經
西山經

太華之山有蛇焉名曰肥蠃六足四翼見則天下大旱

山海經
西山經

欽原類蜂大如鴛鴦觸物則斃其銳難當

山海經西
山經國讚

令丘之山有鳥焉其狀如梟人面四目而有耳其名曰

顓其鳴自號也見則天下大旱

山海經
南山經

雞山黑水出焉中有鱣魚其狀如鮒而彘毛其音如豚

見則天下大旱

山海經
南山經

顓鳥栖林鱣魚處淵俱為旱徵災延普天

山海經南
山經國讚

涸和損平莫慘於憂詩詠萱草帶山則儵堅焉遺岱聊

以盤遊

山海經北
山經圖讚

狍鴞貪惓其目在腋食人未盡還自齧割圖形妙鼎是

謂不若

山海經北
山經圖讚

長蛇百尋厥鬣如彘飛羣走類靡不吞噬極物之惡盡

毒之厲

山海經北
山經圖讚

教岸之山有獸焉其狀如白鹿而四角名曰夫諸見則

其邑大水

山海經
中山經

歷石之山有獸焉其狀如狸而白首虎爪名曰梁渠見

則其國有大兵

山海經
中山經

蛇山有獸焉其狀如狐而白尾長耳名曰狔狼見則國

內有兵

山海經
中山經

能本獸名形似熊足似鹿為物堅中而強力故人之有

賢材者皆為之能

前漢書註
高帝紀

深山窮谷多毒瘧之物氣則有瘴癘人則有止蟲獸則

有虎鳥則有鵠蛇則有蝮蟲則有射工沙虱草則有鈞

吻野葛其餘則蛟莽之屬生焉

太平御覽蟲
豸部沙虱

礫小石也磊

當罪切

衆石也礪

壯浪切

文石也琅玕石似珠

也碓硖石似玉也

太平御覽地部石上

凡珠有龍珠龍所吐也蛇珠蛇所吐也語曰蛇珠千枚

不如一玫瑰

埤雅品物門蛇

短狐射氣蜚蝮遺溺中影則疾人氣數感之故也

埤雅品物

門

字說曰蛇螫人也而亦逃人也是為有它蜚觸之則復

其害人也人亦復焉

埤雅品物門虺

烏反哺梟反噬蓋逆順之習也

埤雅品
物門梟

陸陷藥犀水截輕鴻

埤雅品
物門鴈

望之大就之小筋馬也望之小就之大肉馬也前視見

目旁視見腹後視見足駭馬也毛束皮皮束筋筋束肉

肉束骨五者兼備天下之馬也

埤雅品
物門馬

伊尹為湯說至末云肉之美者猩脣燕髀豹胎象節魚

之美者洞庭之鱖東海之鮑菜之美者崑崙之蘋具區

之菁和之美者陽濮之薑招搖之桂飯之美者玄山之

禾不周之粟果之美者江浦之橘雲夢之柚

埤雅卉
物門橘

德芬芳者佩蘭

埤雅卉
物門蘭

伯樂曰馬頭為王欲得方目為丞相欲得明脊為將軍

欲得強腹為城廓欲得張四下為令欲得長

初學記
獸部馬

譬如毒蛇神呪所伏不能為害一切諸蟲見彼毒蛇亦
無憂懼然此毒蛇雖無毒害由本業故受此蛇身故名

毒蛇

大寶積經
卷二十

譬如園豬行處糞穢兼又食噉初無厭惡

大寶積經
卷四十二

譬如枸欄茶花色貌鮮好其體堅韌猶如木石其氣臭穢猶如糞塗有智之人若見此花不近不觸遠避而去

愚人若見不知過患近而嗅之

大寶積經卷一百一十三

或有鳥聲好而形醜或有鳥形好而聲醜或有鳥聲醜形亦醜或有鳥形好聲亦好何鳥聲好而形醜拘枳羅鳥是也何鳥形好而聲醜所謂鷺鳥是也何鳥聲醜形亦醜所謂梟是也何鳥聲好形亦好所謂孔雀鳥是也

增壹阿含

經卷十七

世有四種良馬有良馬駕以平乘顧其鞭影馳駛善能觀察御者形勢遲速左右隨御者心是良馬第一之德世間良馬不能顧影而自驚察然以鞭杖觸其毛尾則能驚速察御者心遲速左右是第二良馬若世間良馬不能顧影及觸皮毛能隨人心而以鞭杖小侵皮肉則能驚察隨御者心遲速左右是第三良馬世間良馬不能顧其鞭影及觸皮毛小侵膚肉乃以鐵錐刺身徹膚傷骨然後方驚牽車著路隨御者心遲速左右是第四

良馬

雜阿含經
卷三十三

世間良馬有八種德成就者隨人所欲取道多少何等
為八生於良馬鄉是名良馬第一之德復次體性溫良
不驚恐人是名良馬第二之德復次良馬不擇飲食是
名良馬第三之德復次良馬狀惡不淨擇地而卧是名
良馬第四之德復次良馬諸情態速為調馬者現馬師
調習速捨其態是名良馬第五之德復次良馬安於駕
乘不顧餘馬隨其輕重能盡其力是名良馬第六之德

復次良馬常隨正路不隨非道是名良馬第七之德復次良馬若病若老勉力駕乘不厭不倦是名良馬第八

之德

雜阿含經
卷三十三

世間馬有八態何等為八謂惡馬臨駕車時後脚踏人前脚跪地奮頭齧人是名世間馬第一態復次惡馬就駕車時低頭振輓是名世間惡馬第二之態復次世間惡馬就駕車時下道而去或復偏厲車令其顛復是名第三之態復次世間惡馬就駕車時仰頭却行是名世

間惡馬第四之態復次世間惡馬就駕車時小得鞭杖或斷繮折勒縱橫馳走是名第五之態復次世間惡馬就駕車時舉前兩足而作人立是名第六之態復次世間惡馬就駕之時加之鞭杖安住不動是名第七之態復次世間惡馬就駕之時叢聚四脚伏地不起是名第

八之態

雜阿含經
卷三十三

師子戲時於諸羣獸強者則殺伏者則放

大智度論
卷四十七

且愛犬馬者貴其識恩嫉妬梟獍者惡其反噬

辯正論
卷六

如龍驥麟鳳孔雀鸚鵡山雞畫雉為人所貴情希愛樂
如獼猴豺狼虎蛇蚺蝮服鳥梟鴟等人所惡見不喜聞

音

法苑珠
林卷六

變化

雀入於海為蛤雉入於淮為蜃黿鼉魚鼈莫不能化唯

人不能哀夫

國語
晉

昔盤古氏之死也頭為四岳目為日月脂膏為江海毛
髮為草木秦漢間俗說盤古氏頭為東岳腹為中岳左

臂為南岳右臂為北岳足為西岳先儒說盤古氏泣為江河氣為風聲為雷目瞳為電古說盤古氏喜為晴怒

為陰

述異記上

今江淮中有魃名熊熊蛇之精至冬化為雉至夏復為

蛇

述異記上

淮水中黃雀至秋化為蛤春復為黃雀

述異記上

二幼相好及其壯也相遇則不相識二壯相好及其老也相遇則不相識如雀鵲鷹鳩之化無昔無今

闕尹子七釜

人自生至終大化有四嬰孩也少壯也老耄也死亡也
其在嬰孩氣專志一和之至也物不傷焉德莫加焉其
在少壯則血氣飄溢欲慮充起物所攻焉德故衰焉其
在老耄則欲慮柔焉體將休焉物莫先焉雖未及嬰孩
之全方於少壯間矣其在死亡也則之於息焉反其極

矣

列子
天瑞

馬血之為轉鄰也人血之為野火也鷄之為鷄鷄之為
布穀布穀久復為鷄也燕之為蛤也田鼠之為鷄也朽

爪之為魚也老非之為莧也老踰之為援也

列子
天瑞

以汝為鼠肝乎以汝為蟲臂乎

莊子大
宗師

鯤鵬二物隻以變為二矣何得不謂一變為二乎

公孫
龍子

通變
論註

昔公牛哀轉病也七日化為虎其兄掩戶而入覘之則
虎搏而殺之是故文章成獸爪牙移易志與心變神與
形化方其為虎也不知其嘗為人也方其為人不知其
且為虎也二者代謝舛馳各樂其成

淮南子
傲真訓

夫蝦蟇為鵝水蠶為蠋芒皆生非其類唯聖人知其化

淮南子
齊俗訓

蠶食桑老績而為蠶蠶又化而為蛾蛾有兩翼變去蠶
形蟻蟮化為復育復育轉而為蟬蟬生兩翼不類蟻蟮
凡諸命蠕蜚之類多變其形易其體至人獨不變者稟

得正也

王充論衡
無形篇

夫蟲蛇未化者不若不化者蟲蛇未化人不食也化為

魚鼈人則食之

王充論衡
無形篇

萬物變化無復還者復育化為蟬羽翼既成不能復化

為復育

王充論衡
道虛篇

仲春之節鷹化為鳩季春之節田鼠化為鴽仲秋之節
鳩復化為鷹季秋之節雀入大水化為蛤孟冬之節雉

入水化為蜃

張華註
禽經

若謂受氣皆有一定則雉之為蜃雀之為蛤壤蟲假翼
川蛙鼪飛水虺為蛤荇苓為蛆田鼠為鴽腐草為螢
之為虎蛇之為龍皆不然乎

抱朴子內
篇論仙

鵠以眸子相視蟲以鳴聲相應俱不待合而生子故曰

風化

郭子註
莊天運

周洛曰鮪蜀曰鮪鮪出鞏山穴中三月遡河上能度龍

門之限則得為龍矣

前漢書註司
馬相如傳

周穆王南征一軍盡化君子為猿為鶴小人為蟲為沙

藝文類聚

鳥部鵠

胡人獻燕昭王以大豚曰養奚若使曰豕也非大豕不
居非人便不珍今年百二十矣人謂豕仙王乃命豕宰

養六十五年大如沙墳足如不勝其體王異之令衡官
橋而量之折十橋豕不量又命水官舟而量其重千鈞
其巨無用燕相謂王曰奚不饗之王乃命水夫膳之夕
見夢於燕相曰造化勞我以豕形食我以人穢吾患其
生久矣仗君之靈得化吾生始得為魯津之伯燕相游
乎魯津有赤龜奉璧而獻

大平御覽
獸部豕

千歲之雉入海為蜃百年之雀入江為蛤千歲龜能
與人語千歲蛇斷而復續百年之鼠能相卜數之至也

春分之日鷹變為鳩秋分之日鳩變為鷹時之化也故腐草之為螢也朽之為蠶也麥之為蚨蝶也羽翼生焉眼目成焉心知出焉自無知而化為有知血氣易也鴈之為麋也蛇之為鼈也蠶之為蝦也不失其血氣而形性變也

太平御覽妖異部變化下

龍易骨蛇易皮麋鹿易角鱗易教

埤雅品物門鱗

鯨為黃熊杜宇為鵽鳩褒君為龍牛哀為獸君子為鵠
小人為猿彭生為豕如意為犬黃母為龜宣武為鼈節

艾為牛徐伯為魚鈴下為烏書生為蛇

何氏語林
文學隋書

如蠶渾沌繭中穿絲出飛其神故一變形易殼

四願經
敬八

如酥蜜膠臘等皆是地相與火合故自捨其相轉成濕

相金銀銅鐵與火合故亦自捨其相變為水相

大智度
論三十

一

如乳變為酪捨味力饒益不捨色如金銀器破已更作

餘器捨形不捨色

雜阿毘曇心
論卷十一

夫雉入海為蛤鷺入海為蜃當其徘徊其翼差池其羽

猶自識也忽然自投神化體變乃更與黿鼉為羣豈復

自識翔林薄巢垣屋之娛乎

辯正論
卷三

良能

燕之于飛必差池其羽

毛詩燕
燕註

埳螳塚也將陰雨則穴處先知之矣

毛詩東
山註

凡生天地之間者有血氣之屬必有知有知之屬莫不
知愛其類今是大鳥獸則失喪其羣匹越月踰時焉則
必反巡過其故鄉翔回焉鳴號焉躡躡焉跼蹐焉踟蹰焉然後

乃能去之小者至於燕雀猶有啁噍之頃焉然後乃能

去之

禮記三年問

虎狼護子猴猿負孫毒性薄情亦有仁愛

宋書文九王晉熙傳

風翔則風雨舞則雨霜蜚則霜露翦則露

師曠禽經

驚鳥之善搏者曰鷃

師曠禽經

扶老

秃鷃也

強力鵲鵠友悌

師曠禽經

舒鷹鳴前後和羣棲獨警

師曠禽經

鳥飛成行獸處成羣有孰教之

淮南子齊俗訓

順風而飛以助氣力銜葭而翔以備矰弋

說苑談叢

燕雀銜茅以生孚乳

焦氏易林小畜之巽

晨風天翰大舉就溫

焦氏易林小畜之革

言鵠鷄鴻鶴羣聚候時鶴知夜半鵠鷄晨鳴各知其職

也

王逸註楚辭大招

形如覆鉢包玉含珠有而不積泄以尾閭閭與道會可

謂奇魚

山海經西山經圖讚

太昊師蜘蛛而結網金天據九鴈以正時帝軒俟鳳鳴

以調律唐堯觀莫莢以知月終歸知往乾鵲知來魚伯

識水旱之氣蜉蝣曉潛泉之地白狼知殷家之興驚驚

見周家之盛龜鶴偏解導養不足恠也

抱朴子內篇對俗

夫以蜘蛛蛄蜣之陋而布網轉丸不求之於工匠則萬

物各有能也

郭子註莊肱篋

鴻不學飛飛則冲天驥不學行行則千里

太平御覽羽族部鴻

雞有呼羣之德鹿有食苹之美

埤雅品物門雞

鷦之步網鷺之畫印鷦鷯之勅螺贏之祝皆物之有術

智者也

埤雅品物
門鴻鵠

分威法伏熊實意法騰蛇

埤雅品物
門騰蛇

雞有專棲之雄雉有擅澤之驕蟻有兼弱之智蜂有攻

寡之計

埤雅品
物門蜂

鵲巢開口背太歲此非才智任自然之得也

初學記
鳥部鵲

又如犢子生知趣乳豬羊之屬其生未幾便知有牝牡

之合

大智度論
卷三十八

各足

魚潛在淵或在于渚○魚在于渚或潛在淵

詩小雅鵲鳴

夫天亦有所分子予之齒者去其角傅其翼者兩其足是所受大者不得取小也

前漢書董仲舒傳

蛟行蠕動方聚類分鱗殊族別羽毛異羣各含精而鎔冶咸受範於陶鈞

晉書成公綏傳

物食長喙穀食短喙搏則利腎鳴則引吭

師曠禽經

遷不問豆豆不答遷瓦不問石石不答瓦道亦不失問

歟答歟

闕尹子一字篇

牛之無齒不為不足羊之有齒而比於牛為有餘矣以
羊之有餘而謂之非羊者未可然羊之有齒不為有餘
則牛之無齒而比於羊固不足矣以牛之不足而謂之
非牛者亦未可也是皆稟之天然各足於其分而俱適

矣

公孫龍子
通變論註

造物維均靡偏靡頗少不為短長不為多賁能三足何

異龜鼃

山海經中
山經圖譜

二蟲殊翼故所至不同或翱翔天池或畢志榆枋直各

稱體而足不知所以然也

郭子註莊
逍遙遊

鵬之所以高飛者翼大故耳夫質小者所資不待大則

質大者所用不得小矣

郭子註莊
逍遙遊

若以性足為大則天下之足未有過於秋毫若其性足

非大則雖太山亦可稱小矣太山為小則天下無大秋

毫為大則天下無小也

郭子註莊
齊物論

擅一壑之水而跨時埴井之樂猶小鳥之自足於蓬蒿也左足未入右膝已縈明大之不遊於小非樂然也以

欽定四庫全書

喻林
卷一百十七

三

小義大故自失物各有分不可強相希效也

郭子註
莊秋水

足於性者天損不能入貞於期者時累不能淫是以迅

風陵雨不謬晨禽之察勁陰殺節不凋寒木之心

文選
陸機

演連
珠

驚鳳凌雲儔以舞翼鳩悅蓬林以翱翔螭浮八溟以
濯鱗鼈娛行潦而羣逝斯用情各從其好以取樂焉

廣文

選阮嗣宗
答伏義書

形不待名而方圓已著色不俟稱而黑白以彰

藝文類
聚人部

言語論

鹹水之魚不游于江淡水之魚不入於海

藝文類聚
鱗介部魚

變稱一足蛇則二首少不知無多不覺有

藝文類聚
鱗介部蛇

東海有鰲焉冠蓬萊而游於滄海騰躍而上則干雲沒
而下潛於重泉有紅蟻者聞而悅與羣蟻相要乎海畔
欲觀鰲之行月餘未出羣倖也數日風止海中隱淪如
岳其高檠天或游而西羣蟻曰彼之冠山何異乎我之
戴粒也逍遙壤封之巔歸服乎窟穴之下此乃物我之

適自己而然我何用數百里勞形而觀之乎

藝文類聚
蟲豸部蟻

莊子曰聲氏之牛夜亡而遇夔止而問焉我有四足動而不善子一足而超踊何以然夔曰以吾一足王於子

矣

事類賦
獸部牛註


夫驚雀有匹鳩鵲有仇寒鄉之民必知旃裘自然已足益之則憂故續鳧之足何異截鶴之脰

道德經註

萬物各有有為相如牛角犂垂壺尾端有毛是為牛相如瓶底平腹大頸細口圓脣鹿是為瓶相如車以輪軸

輶輶是為車相如人以頭目腹脊肩臂手足是為人相

十二門
論守六



喻林卷一百十七

欽定四庫全書

子部

喻林卷一百

十八至
二十

詳校官中書

臣朱文翰

主事

臣祁韻士覆勘

總校官原任中允

臣

王燕緒

校對官中書

臣朱

炘

謄錄監生

臣

曹錫爵

欽定四庫全書

喻林卷一百十八

明 徐元太 撰

物宜門

三

天機

尺蠖之屈以求信也龍蛇之蟄以存身也

易上繫

鵲將生子呼母應雛既生母呼子應

師曠禽經

萬物負陰而抱陽冲氣以為和居中央是以木實生

於心草實生於箕卵胎生於中央

文子上德

地平則水不流輕重均則衡不傾物之生化也有感以

然

文子
上德

蜺螭轉九九成而精思之而有蜺白者存九中俄去殼

而蟬彼蜺不思彼蜺奚白

關尹子
四符篇

夫白鴟之相視眸子不運而風化蟲雄鳴於上風雌應

於下風而化類自為雌雄故風化

莊子
天運

夔謂螭曰吾以一足踰蹕而行予無如矣今子之使萬

足獨奈何螭曰不然子不見夫唾者乎噴則大者如珠

小者如霧雜而下者不可勝數也今予動吾天機而不知其所以然蛇謂蛇曰吾以衆足行而不及子之無足何也蛇曰夫天機之所動何可易邪吾安用足哉

莊子秋水

兔絲無根而生蛇無足而行魚無耳而聽蟬無口而鳴

有然之者也

淮南子
說林訓

雞卵之未字也鳩溶於穀中潰而視之若水之形良雌

偃伏體方就成就成之後能啄蹶之

王充論衡
論苑篇

鳥飛以翼當尾則鬚廢多任少沛然有餘輪運於轂至

用在無

山海經西
山經圖讚

或以尾翔或以髯凌飛鼠鼓翰脩然背騰

山海經北
山經圖讚

龍馮雲遊騰蛇假霧未若天馬自然凌翥有理懸運天

機潛御

山海經北
山經圖讚

蹠實以足排虛以羽翹尾翻飛奇哉耳鼠厥皮惟良百

毒是禦

山海經北
山經圖讚

鳥孺魚沫細要者化言物之自然各有性也

郭子註
莊天運

海崖間波有水母東海謂之蛇正白濛濛如沫生物有

智識無耳目故不知避人常有蝦依隨之蝦見人則驚

此物亦隨之而沒

李善註文選江賦

礧石吸鐵琥珀取芥氣有潛通數亦冥會

藝文類聚地部石

如兔絲之草下有伏兔之根無此兔在下則絲不得生

於上然實不屬也

藝文類聚草部兔絲

雞伏鴨卵雛成入水雞母隨岸呼之雛出而隨母鴨雞

異能相隨也

太平御覽羽族部鴨

乾臯斷舌則坐歌孔雀拍尾則立舞人勝之也鷺入夜

欽定四庫全書

卷一百十八

而歌鳳入朝而舞天勝之也

埤雅品物門鳳

如種子中無有根芽莖節枝葉而能生起如是等事

大方

廣佛華嚴經

卷四十四

譬如魚子母念則得生不念則壞

大智度論卷三十七

相戕

上六龍戰于野其血玄黃

易坤

躍躍音兔

說

遇犬獲

叶黃

之

詩小雅

巧言

虎有子不能搏攫者輒殺之為墮武也

淮南子說林訓

鳥與鳥遇則相躡獸與獸遇則相觸馬與馬遇則跼踖

相傷天之生此物多其力而少其智也

太平御覽
獸部馬五

鹿制於犬猿伏於鼠

埤雅品
物門猿

狸之捕鼠雀之畏鷦各得其剋何敢有聲

參同契

譬如兩木相磨便有火生還燒是木

大寶積經卷
一百一十二

猶師子瞋聞獐鹿聲

本緣經月
光王品

居處

初六鴻漸于干

易漸

九三鴻漸于陸

易漸

九五鴻漸于陵

易漸

魚以依蒲藻為得其性

毛詩魚藻註

鳴鳩不自為巢居鵲之成巢

毛詩鵲巢註

富人之屋鳥所集也

毛詩正月註

平林之木茂則耿介之鳥往集焉

鄭氏箋詩車牽

山鳥巖棲原鳥地處

師曠禽經

草食之獸不疾易數水生之蟲不疾易水行小變而不

失其大常也

莊子田子方

榛巢者處林茂安也窟穴者託埤防便也

淮南子說林訓

鱸鮪不居牛迹大鵬不滯蒿林

抱朴子外篇任命

獸因窟而獲騁鳥先巢而後翔

廣文選沈休文郊居賦

鳥噪類而比栖獸異跡而同處

藝文類聚天部雲賦

鷺鳳不遷於竹實騶虞不移於生物

太平御覽羽族部鳳

避害

鵬鳶之高飛鯉鮪之處淵性自然也非鵬鳶能高飛非

鯉鮪能處淵皆驚駭辟害爾

鄭氏箋
詩四月

色斯舉矣翔而後集曰山梁雌雉時哉時哉子路共之

三嗅而作

論語
鄉黨

猶魚鼈得免毒螫之淵鳥獸得離羅網之綱

吳志陸
凱傳

鳥莫知於鷓鴣目之所不宜處不給視雖落其實棄之

而走其畏人也而襲諸人間

莊子
山水

夫猿狖得茂木不舍而穴狌貉得埴防弗去而緣物莫

避其所利而就其所害

淮南子
齊俗訓

羊驚虎狼聳耳羣聚

焦氏易林
既濟之異

鷹懷欲害之心故鳥魚知其情實而遠之

淮南子終
稱訓解

鷹翔川魚鼃沈飛鳥揚必遠害也

淮南子
終稱訓

刳胎焚夭則麒麟不至乾澤而漁蛟龍不游覆巢毀卵

則鳳凰不翔丘聞之君子重傷其類者也

說苑
權謀

鳥之巨觜者善避矰弋彈射

張華註
禽經

鸞鳳避罽羅遠託崑崙墟

嵇中散集
答二郭

矰繳紛紜則駕離徊翮坑穽充谿則鱗虞歛跡

抱朴子
外篇知

止

鴈自河北渡江南瘦瘠能高飛不畏矰繳江南沃饒每至還河北體肥不能高飛恐為虞人所獲嘗銜蘆長數寸以防矰繳焉

古今注

昔公明儀有牛彈清角之操伏食如故轉為蜚蜚聲則

翹尾而躡蹠

太平御覽
蟲豸部蚊

暴腮龍門垂耳轅下善為魚者不求為龍望禹門軌迹

是以無暴腮點額之患

埤雅品
物門鰓

鹿性警防分背而食以備人物之害

埤雅品物門鹿

虎聞聲而深伏鷹見形而高飛

埤雅品物門鷹

從類

雄雉見雌雉飛而鼓其翼泄泄然

毛詩雄雉註

鳥則雄者鳴鵲雌能順服獸則牡爲唱導牝乃相從

後漢

書荀淑

子爽傳

羽蟲盛者毛蟲不育毛蟲盛者鱗蟲不育

關尹子六七篇

水之守土也審影之守人也審物之守物也審

莊子徐無鬼

羊有角牛有角牛之而羊也羊之而牛也未可是俱有

而類之不同也

公孫龍子
通變論

施薪若一火就燥也平地若一水就濕也草木疇生禽

獸羣焉物各從其類也

荀子
勸學

類固相召氣同則合聲比則應鼓宮而宮動鼓角而角

動平地注水水流濕均薪施火火就燥山雲草莽水雲

角觶旱雲煙火雨雲水波無不皆類其所生以示人故

以龍致雨以形逐影師之所處必生棘楚禍福之所自

來衆人以為命安知其所

呂氏春秋名類

毛羽者飛行之類也故屬於陽介鱗者蟄伏之類也故

屬於陰

淮南子天文訓

夫物類之相應玄妙深微知而不能論辯而不能解故
東風至而酒湛溢蠶叫絲而商絃絕或感之也畫隨灰
而月暈闕鯨魚死而彗星出或動之也

淮南子覽異訓

橘柚有鄉萑葦有叢獸同足者相從游鳥同翼者相從

翔

淮南子說林訓

檀栢而有鄉藿葦而有叢言物類之相從也

鹽鐵論
論誹

龍渴求飲雲黑景從

焦氏易林
未濟之鼎

石鐵之母也以有慈石故能引其子石之不慈者亦不

能引也

呂氏春秋
精通解

夫牡馬見雌牛雄雀見牝雞不相與合者異類故也

王充

論衡奇
怪篇

鸞鳳翔止百鳥皆從也

張華註
禽經

蒼鷹之屬以象東方木行朱鳥之屬以象南方火行黃

鳥之屬應土行以象季夏白鷺之屬以象西方金行玄

鳥以象北方水行

張華註
禽經

磁石吸鐵璊琯取芥氣有潛感數亦冥會物之相投出

乎意外

山海經北
山經圖讚

桂出合浦生必以高山之巔冬夏常青其類自為林間

無雜樹

南方草
木狀

夫龜龍甲鱗之宗麟鳳毛羽之長爰逮蛸飛蠕動皆鳴

呼相聞各有意趣共相制御

張湛註列
子黃帝

脂非火種水非魚屬然脂竭則火滅水竭則魚死伐木而寄生枯焚草而兔絲萎川蟹不歸而蛙敗葉樹見斷而蠹殄觸類而長之斯可悟矣

抱朴子內篇對俗

萬物雖以形相生亦皆自然故胎卵不能易種而生

郭子

註莊知

北游

上有叢菁下有伏龜

藝文類聚
草部著

欲知牛馬貴賤秋葵下小葵生牛馬貴大葵不蟲牛馬

賤

藝文類聚
草部葵

獨一叫而猿散鼃一鳴而龜伏

埤雅品物門猿

鵝飛則蜮沈鵝鳴則蛇結

埤雅品物門鵝

淘河在岸則魚沒沸河在岸則魚涌

埤雅品物門鵝

鵲鳴在上蛇盤不動鵲鳴在上蜎反不行

埤雅品物門鵲

煮羊以鼪煮鼪以蚊言其性類相感省火易熟有如此

者

埤雅品物門鼠

磨鐵致蛄汗羈引兔蜋灰除蠹蛤陽去伏言物之相關

感有如此者

埤雅品物門蛄

蠓飛起則天風春則天雨

埤雅品物門蠓

螳螂之氣含之生火蚯蚓之塵背洒起霧

埤雅品物門螳螂

雞羽焚而清飈起蘆灰缺而月暈移

埤雅品物門暈

尋萬物之性皆有離合虎嘯風生龍吟雲起磁石引鍼

琥珀拾芥漆得蟹而散麻得漆而湧桂得葱而軟樹得

桂而枯戎鹽累卵獺膽分盃其氣爽有相關感多如此

類

埤雅品物門芥

雄不獨處雌不孤居

參同契

植禾當以穀覆雞用其卵以類輔自然物成易陶冶

參同

契箋註

下篇

大腰無雄細腰無雌無雄外接無雌外育三化之蟲先
孕後交兼愛之獸自爲牡牝寄生因夫高木女羅託乎
茯苓木株於土萍植於水鳥排虛而飛獸蹠實而走蟲
土閑而蟄魚淵潛而處本乎天者親上本乎地者親下
本乎時者親旁則各從其類也

法苑珠林
卷三十二

辨異

乾以龍御天坤以馬行地

王弼注
易坤

涇渭相入而清濁異

毛詩谷
風注

乃有厭然而特茂者其傑立之苗也厭厭然而長大者

其齊等之苗也

毛詩正
義載變

鳴鳩言始相命也先鳴而後鳩何也鳩者鳴而後知其

鳩也

大戴禮記
夏小正

莠藿葦未莠則不為藿葦莠然後為藿葦故先言莠藿

未莠為莠葦未莠為蘆

大戴禮記
夏小正

凡聲高聲硯正聲緩下聲肆波聲散險聲斂達聲羸微

聲韻回聲衍侈聲笄弇聲鬱薄聲甄厚聲石

周禮春官典同

烏罟謂之羅兔罟謂之罝

音嗟

麋罟謂之罟

音節

羝罟謂之

羝

音鴛

魚罟謂之衆

音孤

○

橘生淮南則爲橘生于淮北則爲枳葉徒相似其實味

不同所以然者何水土異也

晏子春秋秋禱下

宵鴈司夜行鴈主晝雄翼掩左雌羽掩右

師曠禽經

宋寮雖雖鴻儀鷺序鷩雀啁啁下齊衆庶

師曠禽經

鳬鷺之雜鵠鷺之潔

師曠
禽經

首有彩毛曰山雞頸有彩囊曰避株背有彩羽曰翡翠

腹有彩文曰錦雞

師曠
禽經

有七尺之骸手足之異戴髮含齒倚而趣者謂之人而人未必無獸心雖有獸心以狀而見親矣傳翼戴角分牙布爪仰飛伏走謂之禽獸而禽獸未必無人心雖有

人心以狀而見疏矣

列子
黃帝

羊合牛非馬牛合羊非雞

公孫龍子
通變論

以羊牛俱有角因謂牛為羊又謂羊為牛者未可其所
以俱有角者天然也而羊牛類異不可相為也

公孫龍
子通變

論
註

假令羊居左牛居右共成一物不可偏謂之羊亦不可
偏謂之牛既無所名不可合謂之馬謂二物不可為一

明矣

公孫龍子
通變論註

堅土人剛弱土人肥壩土人大沙土人細息土人美耗
土人醜食水者善游能寒食土者無心而慧食木者多

力而羶食草者善走而愚食葉者有絲而娥食肉者勇敢而悍食氣者神明而壽食穀者知慧而夭不食者不死而神凡人民禽獸萬物貞蟲各有以生或奇或偶或飛或走莫知其情唯知通道者能原本之

淮南子
地形訓

蒿苗類絮而不可為絮廣不類布而可以為布

淮南子
說林訓

蟬之與蛇蠶之與蠟狀相類而愛憎異

淮南子
說林訓

銅英青金英黃玉英白麝燭桶膏燭澤也

淮南子
說林訓

馬齒非牛䟽檀根非倚枝故見其一本而萬物知

淮南子
說

林訓

九州田土之性善惡不均故有黃赤黑之別上中下之

差水潦不同故有清濁之流東西南北之趨

王充論衡本性篇

當康如豚見則歲穰鰭魚鳥翼飛乃流光同出殊應或

災或祥

山海經東山經圖讚

白羽白性輕白雪白性消白玉白性貞雖俱白其性不

同也

意林孟子

食水者善浮而耐寒魚屬也食土者無心而慧蚯蚓是

也食木者多力而愚麋鹿是也食桑者有絲而蛾蠶屬也食肉者勇敢而悍虎豹是也食氣者神明而壽龜蛇之類王喬赤松是也食穀者智慧而夭人是也

意林淮南子

素纓之鳴翰音之雞望視之兔白蹄之豕短喙之狗修頸之馬君子之貌異也

太平御覽羽族部鴨

北方寒其人壽南方暑其人夭此寒暑之方驗於人也均之蠶也寒而餓之則引日多溫而飽之則引日少此寒溫餓飽之為修短驗於物者也

太平御覽資產部蠶

鸛鷀之信不如鴈周周之智不如鴻

埤雅品物門鷀

執錫分銀操橙證柚

埤雅卉物門柚

檜柏葉松身則葉與身皆曲樅松葉柏身則葉與身皆

直樅以直而從之檜以曲而會之

爾雅翼樅

車前之草別名茛苢王會之云其實如李名之相亂在

乎疑似

爾雅翼女蘿

菊花與薏花相似直以甘苦別之耳菊甘而薏苦所謂

苦如薏者也

初學記草部薏

燕雀不生鳳狐兔不乳馬水流不炎上火動不潤下

參同

契箋註

下篇

不齊

天生殺不共在一時猶春夏華卉自生薺麥自死秋冬草木自死而薺麥自生故云不齊也不齊為諸齊之本

也

禮記正義學記

先種後熟謂之種後種先熟謂之種

鄭氏註周禮天官內宰

夫物之不齊物之情也或相倍蓰或相什伯或相千萬

子比而同之是亂天下也巨屨小屨同賈人豈為之哉

孟子滕

文公上

萬物好醜異賈精粗異功其不齊同乃物之情性也譬若和氏之璧雖與凡下之璧尺寸厚薄適等其價豈可

同哉

趙氏註孟
滕文公上

駕鵝野則義豢則搏水驚澤則羣擾則逐

師曠
禽經

鶴以聲交而孕鵲以音感而孕白鷁相胙而孕鵲鵲睛

交而孕

師曠
禽經

昔之得道以立至今不遷者四時太山是也其得道以危至今不可安者苓蠃堙谿橐木降風是也其得道以生至今不亡者日月星辰是也其得道以亡至今不可存者苓葉遇霜朝露遭日是也

鵬冠子能天

荆之南有冥靈者以五百歲為春五百歲為秋上古有大椿者以八千歲為春八千歲為秋朽壤之上有菌芝者生於朝死於晦春夏之月有蠓蚋者因雨而生見陽

而死

列子湯問

賈爰之獸自孕而生曰類河澤之鳥視而生曰鵲純雌

其名大晉純雄其名穉蜂

列子
天瑞

鵲目有所適鶴脰有所節解之也悲

莊子徐
無鬼

夫草有華有蟲獨食之則殺人合而食之則益壽萬莖
不殺漆淖水合兩淖則為蹇溼之則為乾金柔錫柔合
兩柔則為剛燔之則為淖或溼而乾或燔而淖類固不
必可推知也小方大方之類也小馬大馬之類也小智

非大智之類也

呂氏春
秋別類

夫燧之取火於日磁石之引鐵蟹之敗漆葵之鄉日雖有明智弗能然也故耳目之察不足以分物理心意之

論不足以定是非

淮南子覽異訓

狸頭愈鼠雞頭已癰蚤散積血斲木愈齟此類之推者也膏之殺鼈鵲矢中蝟爛灰生蠅漆見蟬而不乾此類

之不推者也

淮南子說山訓

鐘之與磬也近之則鐘音充遠之則磬音章物固有近

不若遠遠不若近者

淮南子說山訓

馬之似鹿者千金天下無千金之鹿玉待璆諸而成器

有千金之璧而無錙錒之璆諸

淮南子
說山訓

鶴壽千歲以極其游蟄蟄朝生而暮死而盡其樂

淮南子
說

林訓

布之新不如紵紵之弊不如布或善為新或惡為故

淮南

子說

林訓

漆得溼而乾燥金遇燔而流淖皆非其類也

呂氏春秋
別類解

河水濁故魚不得明目穉稼為霜所凋故不得待其自

熟

淮南子傲
真訓解

女子蛟人體近蠶蚌出珠非甲吐絲匪蛹化出無方物

豈有種

山海經海外
北山經圖讚

鵠鷖二蟲殊類同歸聚不以方或走或飛不然之然難

以理推

山海經西
山經圖讚

水松葉如檜而細長出南海土產衆香而此木不大香
故彼人無佩服者嶺北人極愛之然其香殊勝在南方
時植物無情者也不香於彼而香於此豈屈於不知已

而伸於知己者歟物理之難窮如此

南方草木狀

老子有言以狸頭之治鼠漏以啄木之護齟齬此亦可以類求者也若蠓之化漆麻之壞酒此不可以理推者

也

抱朴子內篇對俗

謂夏必長而薺麥枯焉謂冬必凋而竹栢茂焉

抱朴子內篇論

仙

盛陽宜暑而夏天未必無涼日也極陰宜寒而嚴冬未必無暫溫也百川東注而有北流之浩浩坤道至靜或

震動而崩弛水主純冷而有溫谷之湯泉火體宜熾而有蕭丘之寒焰重類應沈而南海有浮石之山輕物當浮而牂牁有沈羽之流萬殊之類不可以一槩斷之正如此也久矣

抱朴子內篇論仙

物有生而有識者有生而無識者有不生而有識者有不生而無識者夫生而有識者蟲類也生而無識者草木也不生而無識者水土也不生而有識者鬼神也

古今

注問答

釋義

蛇形雖長而命不久龜形雖短而命甚長

莊子音
義天下

彼神蔡之靈長獲萬春之悠緬有薜華之灼灼寄一朝

之浮淺

藝文類聚人
部哀傷文

終風掃於暮節霜露交於杪秋有萋萋之綠薺方滋繁

於中丘

藝文類聚
草部薺

薺與麥兮夏零蘭桂踐霜逾馨

藝文類聚
樂部樂府

覩衆草之萎悴覽林菓之零殘悲纖條之槁摧慙枯葉

之飄殫見芳薺之時生被畦疇而獨繁

藝文類聚
草部薺

水戰之鳴何必白纓盈俎之雞何必長鳴

太平御覽羽族部鷓鴣

野雞屬陰先鳴而後鼓翼家雞屬陽先鼓翼而後鳴

埤雅

品物

門鷓鴣

林鳥以朝潮水鳥以夜啖

埤雅品物門鷓鴣

鷺目威而受胎鸛影接而懷卵鴛鴦交頸野鵲傳枝

埤雅

品物

門鷺

雀奚夕瞽鷓奚晝盲

埤雅品物門鷓鴣

雉鳩奚別鴛鴦奚雙

埤雅品物門鴛鴦

金得伯勞之血則昏鐵得鷓鴣雞之膏則瑩石得鵲髓則

化銀得雉糞則枯

埤雅品物門鵝

鸚鵡摩其背而瘡鸚鵡剪其舌而語

埤雅品物門鸚鵡

龜鼈之類無雄蜂蝶之類無雌

埤雅品物門蝶

魚無耳蟬無口蛇無足蚓無筋

埤雅品物門蚯蚓

蛇豸腹竄蟻螬背行

埤雅品物門蟻螬

蟻螬行以其背螻蛄鳴非其口

埤雅品物門螻蛄

蜃蛇聽而有孕白鷺視而有胎

埤雅品物門蜃蛇

按山海經有獸以其尾飛有鳥以其鬚飛

埤雅品物門總括

鷓鴣鳥不登山鵲鳥不踏土鷓鴣鳥不能從下上高

埤雅品物門鼠

爪寒於曝油冷於煎

埤雅卉物門爪

竹布實而根枯蕉舒花而株槁

埤雅卉物門竹

黃河多淘河之屬有曰漫畫者常以背畫水求魚有曰

信天緣者常開口待魚

爾雅翼鰻

聲氏之牛夜亡而遇夔止而問焉我有四足動而不善

子一足而超踊何以然夔曰以吾一足王於子矣

爾雅紀聞

卷十
諸子

夫以尺比寸尺即為高以丈比尺尺即為下向者之高
今之成下故知高下竟無定相更相傾奪

道德經註
疏卷一

蓮華有三種一者人華二者天華三者菩薩華人華人

蓮華十餘葉天華百葉菩薩華千葉

大智度
論卷十

喻林卷一百十八

欽定四庫全書

喻林卷一百十九

明 徐元太 撰

物宜門

四

物產

江漢之間魚所產也

毛詩南有嘉魚註

漆沮之水麀鹿所生也

毛詩吉日註

周之原地在岐山之南臚臚然肥美其所生菜雖有性

苦者甘如飴也

鄭氏箋詩縣

樵木不生危松栢不生埤

國語

高山峻原不生草木松栢之地其土不肥

國語

故玉處於山而木潤淵生珠而岸不枯者潤澤之所加

也

史記龜策傳

東吳有齒角之饒西蜀有丹砂之富兗豫漆絲之膾燕
齊恠石之府秦郤旄羽迥帶琅玕荆郢桂林旁通竹箭
江干橘柚河外舟車遼西旃罽之鄉葱右蒲梢之駿殖
物恠錯於何不有

晉書食貨志

代馬胡駒出自冀北梗枏豫章植乎中土蓋天地所以

分區域也

宋書索
廣傳

上有丹砂者下有黃金上有慈石者下有銅金上有陵
石者下有金錫赤銅上有赭者下有鐵此山之見榮者

也

管子
地數

東方之美者有醫母問之珣玕琪焉東南方之美者有
會稽之竹箭焉南方之美者有梁山之犀象焉西南方
之美者有華山之金石焉西方之美者有霍山之珠玉

焉西北方之美者有崑崙之球琳琅玕焉北方之美者有幽都之筋角焉東北方之美者有斥山之文皮焉中

央之美者有岱岳以生五穀桑麻魚鹽出焉

淮南子
地形訓

水圓折者有珠方折者有玉清水有黃金龍淵有玉英

淮南子
地形訓

明目之珠出於蠃蟬周之簡圭生於垢石大蔡神龜出

於溝壑

淮南子
說山訓

隴蜀之丹漆旄羽荆揚之皮革骨象江南之楠梓竹箭

燕齊之魚鹽旃裘兗豫之漆絲紵紵養生送死之具也

待商而通待工而成

鹽鐵論
本議

隴西冀北多見駿馬

焦氏易林
益之師

陸居千里不見河海无有魚市

焦氏易林
益之咸

江有寶珠海多大魚

焦氏易林
渙之需

發視之山其上多金玉其下多砥礪

山海經
中山經

薰吳之山無草木多金玉

山海經
西山經

吳有谿名干谿越有山名若耶並出善鐵鑄為名劍也

莊子音

義刻意

河汾之寶有曲沃之懸匏焉鄒魯之珍有汶陽之孤篠

馬

文選
笙賦

崑山何有有璫有珉

文選潘尼
贈陸機詩

鬱氣之下必有祕伏重輿之內必有積寶

廣文選伏羲
與阮步兵書

明珠胎於靈蚌兮夜光潛乎玄洲雜神寶其充盈兮豈

魚龜之足收

古文苑蔡
邕漢津賦

太山多貞木

藝文類聚
木部女貞

魏郡好杏地產不為珍

藝文類聚
菓部杏

高山多林虎豹蕃孕焉深泉大川魚龍交焉

太平御覽
地部林

東方多麥南方多稷西方多麻北方多菽中央多禾五

土之所宜也

太平御覽
百穀部麥

魚托水而成鯢木在山而有松

太平御覽
鱗介部海鯢魚

地性生草山性生木故地種葵韭山種棗栗名曰美園

茂林也

埤雅卉
物門韭

龍首之山若水出焉其中多美玉放臯之山明水出焉

其中多蒼玉

初學記寶器部玉

珠澤之數方三十里爰有崔葦莞浦茅苴兼蔓

穆天子傳

譬如高原陸地不生蓮華

大寶積經卷一百一十二

如旃檀香出摩黎山除摩梨山無出旃檀

大智度論卷二

金出山石沙赤銅中眞珠出魚腹中竹中蛇腦中龍珠

出龍腦中珊瑚出海中石樹玉貝出蟲甲中銀出燒石

餘琉璃頗黎等皆出山窟中如意珠出自佛舍利若法

沒盡時諸舍利皆變為如意珠

大智度論卷十

土宜

扶胥山木宜生於高山荷華水草宜生於下隰言高下

大小各得其宜

毛詩正義
山有扶蘇

橘踰淮而北為枳鸛鵒不踰濟貉踰汶則死此地氣然也鄭之刀宋之斤魯之削吳粵之劒遷乎其地而弗能

為良地氣使然也

周禮考
工記

江南燠熱橘柚冬青渭北沍寒楊榆晚葉

周書王
褒傳

白水宜玉黑水宜砥青水宜碧赤水宜丹黃水宜金清

水宜龜汾水濛濁而宜麻濟水通和而宜麥河水中濁
而宜菽雒水輕利而宜禾渭水多力而宜黍漢水重安
而宜竹江水肥仁而宜稻平土之人慧而宜五穀

淮南
子地

形訓

吳越之竹隋唐之材不可勝用而曹衛梁宋采棺轉尸

江湖之魚菜黃之鮑不可勝食而鄒魯周韓藜藿蔬食

鹽鐵論

通有

山川汙澤陵陸丘阜五土之宜聖王就其勢因其便不

失其性高者黍中者稷下者稭蒲葦菅蒯之用不乏麻

麥黍粱亦不盡山林禽獸川澤魚鼈滋殖王者京師四

通而致之

說苑
辨物

高山之巔無美木傷於多陽也大樹之下無美草傷於

多陰也

說苑
談叢

礲磽禿白不生黍稷

焦氏易林
巽之蹇

五土所宜黃白宜種禾黑墳宜麥黍蒼赤宜菽芋下泉

宜稻得其宜則利百倍

博物志

葛山之尾無草木多砥礪

山海經
東山經

縞氏之山無草木多金玉

山海經
中山經

長石之山無草木多金玉

山海經
中山經

婁涿之山無草木多金玉

山海經
中山經

傅山無草木多璫碧

山海經
中山經

蕪菁嶺嶠已南俱無之偶有士人因官攜種就彼種之

出地則變為芥亦橘種江北為枳之義也

南方草木狀

傳言貉不踰汶鵲不踰濟狐不渡江而南橘不越江

而北區宇之內咫尺不同而況分之華夷限以山海魁

詭淑怪可勝言哉

埤雅品物門貉

橘柚凋於北徙若榴鬱於東移也

埤雅卉物門柚

周禮大司徒辨五地之物一曰山林其動物宜毛物其

植物宜阜物二曰川澤其動物宜鱗物其植物宜膏物

三曰邱陵其動物宜羽物其植物宜覈物四曰墳衍其

動物宜介物其植物宜筴物五曰原隰其動物宜羸物

其植物宜藂物

初學記地部摠載地

今嶺南多毒足解毒藥之物即金蛇白藥之屬是也江湖多氣足破氣之物即薑橘吳茱萸之屬是也寒溫不節足療溫之藥即柴胡麻黃之屬是也涼氣多風足理風之藥即防風獨活之屬是也濕氣多痺足主痺之物即魚鱉螺蛻之屬是也陰氣多血足主血之物即地錦石血之屬是也嶺氣多瘴足主瘴之物即常山鹽麩涪醋之屬是也石氣多毒足主毒之物即犀角麝香羚羊角之屬是也水氣多痢足主痢之物即黃連黃蘗之屬

是也野氣多蟲足主蟲之物即藁荷苗根之屬是也沙氣多狐足主短狐之物即鷓鴣鵲鵲之屬是大畧如

此各隨所生

本草一卷

譬如有人以諸穀麥而為種時各各分別而無間雜其後依時彼諸種子皆悉成熟是人即時次第而收若穀若麥亦無間雜如是展轉收已復種種已復收無有窮

盡

正法經卷四

種樹

盡生房矣盡成實矣盡堅熟矣盡齊好矣而無稂莠擇種之善民力之專時氣之和所致之

鄭氏箋
詩大田

立苗有行故速長強弱不相害故速大正其行通其中

疏為冷風則有收而多功

亢倉子
農道

凡苗之患不俱生而俱死是以先生者美米後生者為

粃是故其耨也長其兄而去其弟

亢倉子
農道

苗其弱也欲孤其長也欲相與居其熟也欲相與扶三

以為族稼乃多穀

亢倉子
農道

樹肥無使扶疏樹燒不欲專生而族居肥而扶疏則多

粃燒而專居則多死

呂氏春秋辨土

種樹務修田疇滋植桑麻肥磽高下各因其宜丘陵阪

險不生五穀者以樹竹木春伐枯槁夏取果蓏秋畜疏

食冬伐薪蒸以為民資

淮南子生術訓

尊性易生種以深淺為候水深則莖肥而葉少水淺則

葉多而莖瘦

埤雅卉物門片

譬如種穀得穀種麥得麥稗子生稗如以種子種於薄

地收果減少若以種子種之良田多收果實

正法念處經卷七十

珍異

金錫練而精圭璧性有質

毛詩淇澳註

馬八尺為駮

音戎

牛七尺為牂

閏甸切

羊六尺為羝

五咸切

羝

五尺為羆

音厄

狗四尺為獒

五刀切

雞三尺為鶡

音昆爾雅

○

黃金謂之塗其美者謂之鏐

音求

白金謂之銀其美者謂

之鏐

爾雅

拂揚其華粹如芙蓉始出觀其鈇爛如列星之行觀其

光渾渾如水之溢於澹觀其斷巖巖如瑣石觀其才煥

煥如水釋此所謂純鈞耶

越絕外傳
記寶劍

東北荒中有獸名獬豸一角性忠見人鬪則觸不直者

聞人論則咋不正者

後漢書志
與服下註

昔有黃三鼎周之九寶咸以一體使調一味豈若斯釜

五味時芳

魏志鍾
繇傳註

東海島龍川穆天子養八駿處也島中有草名龍芻馬

食之一日千里古語云一株龍芻化為龍駒

述異
記上

南海中有軒轅丘鸞自歌鳳自舞古云天帝樂也

述異記上

玉以絜潤丹紫莫能渝其質松表歲寒霜雪莫能凋其

采可謂溫仁勁直性之然乎

隋書蘇威傳

有干越之劍者押而藏之不敢用也寶之至也

莊子刻意

夫玉潤澤而有光其聲舒揚渙乎其有似也無內無外

不匿瑕穢近之而濡望之而隧

淮南子說山訓

徐無鬼曰嘗語君吾相狗也下之質執飽而止是狸德

也中之質若視日上之質若亡其一吾相狗又不若吾

相馬也吾相馬直者中繩曲者中鈎方者中矩圓者中規是國馬也而未若天下馬也天下馬有成材若卹若失若喪其一若是者超軼絕塵不知其所

莊子徐無鬼

白玉不琢美珠不文質有餘也

淮南子說林訓

著百莖而共一本龜千載而人寶是以三代傳決疑焉

春秋繁露奉本

飛者宗鳳走者宗鱗為其難致也

孔叢子記問

家有千金之玉不知治猶之貧也良工宰之則富及子

孫君子謀之則為國用

韓詩外傳

玉有六美君子貴之望之溫潤近之栗理聲近徐而聞
遠折而不撓闕而不荏廉而不剋有瑕必示之於外是
以貴之望之溫潤者君子比德焉近之栗理者君子比
智焉聲近徐而聞遠者君子比義焉折而不撓闕而不
荏者君子比勇焉廉而不剋者君子比仁焉有瑕必見

之於外者君子比情焉

說苑雜言

鷺生會稽稍巨能飛翱翔桂林為衆鳥雄

焦氏易林升之師

五色金也黃爲之長久蘊不生衣百鍊不輕以革不遠

許氏說

文卷四

玉石之美有五德潤澤以溫仁之方也聽理自外可以

知中義之方也其聲舒揚專以遠聞智之方也不撓而

折勇之方也銳廉而不剌潔之方也

許氏說
文卷十

崑山之玉燔以爐炭三日三夜色澤不變玉之美者也

江漢有夜光之明珠珠之美者也

呂氏春秋
重已解

腰裏良馬飛兔其子裏兔走蓋皆一日萬里也

淮南子
齊俗訓

解

九德之氣是生長乘人狀豹尾其神則疑妙物自潛世

無得稱

山海經西山經國嶺

有浮金之鐘沈明之磬以羽毛拂之則聲振百里

王子年拾

遺記
類頊

南得煙丘碧樹酈水然沙賁都朱泥雲岡素竹東得葱
巒錦百漂棧龍松寒河星柘岫雲之梓西得漏海浮金
狼淵羽墜滌嶂霞桑沈塘員壽北得宜阜乾漆陰板文

梓褰流黑魄闇海香瓊珍異是集

王子年拾遺記秦始皇

夫松栢特稟自然之鍾氣故能為衆木之傑耳非能為

而得之也

郭子註莊德充符

圓丘有奇草鍾山出靈液

文選郭景純遊僊詩

崦山多靈草海濱饒奇石

文選江文通雜體詩

步光之劍華藻繁緝飾以文犀彫以翠綠綴以驪龍之

珠錯以荆山之玉陸斷犀象未足稱儔隨波截鴻水不

漸刃

文選曹植七啓

良玉比德君子珪璋見美詩人晉之垂棘魯之璆璠宋之結綠楚之和璞價越萬金貴重都城有稱疇昔流聲將來是以垂棘出晉虞號雙禽和璧入秦相如抗節

文選

魏文帝與鍾大理書

王者色不如雪澤不如雨潤不如膏光不如燭取玉甚難越三江五湖至崑崙之山千人往百人反百人往十人反至中國覆十萬之師解三千之圍

意林尸子

鶴陽鳥也而遊於陰蓋羽族之宗長仙人之騏驎也

藝文

類聚鳥

部鵠

得綏山一桃雖不能仙亦足以豪

藝文類聚
果部桃

周穆王時西胡獻玉杯是百玉之精明夜照夕以杯於

庭中比明旦而水滿於杯中汁甘而香美斯靈器也

藝文

類聚寶

玉部玉

魏田父有耕於野者得玉徑尺不知其玉也以告鄰人
鄰人詐之曰此怪石也畜之弗利其家田父雖疑猶豫
以歸置於廡下其玉明照一室大怖遽而棄之於遠野

鄰人取之以獻魏王召玉工相之玉工望之再拜賀曰
大王得天下之寶臣所未嘗見王問其價玉工曰此無
價以當之五城之都僅可一觀魏王賜獻玉者千金長
食上大夫之祿

藝文類聚
寶玉部玉

赤瓊以照燎為光碧石以歲蕤為色咸見珍於東國並
被貴於西極

藝文類聚草
部空青賦

荆山萬重地產卞和之玉隨流千仞水出靈蛇之珠

藝文

類聚職官部
中書令墓志

獐韓良犬也

音

宋良犬也

事文類聚
狗字林

溟海之棗大如瓜鍾山之李大如瓶

太平御覽
米部李

昆流素蓮一房百子凌冬而茂

埤雅卉物
門蕃蓄

嘉禾五穀之長盛德之精也文者異本而同秀質者同

本而異秀

埤雅卉物
門禾稼

員嶠之山名環邱有氷蠶以霜雪覆之然後作繭其色

五采織為文錦入水不濡以之投火經宿不燎

初學記
天部霜

御天惟龍御地以驥利有攸往不期而至

初學記地
部總裁地

東南之美生於會稽牛斗之氣蓄於昆溪有璫者玉連

城是齊有威者鳳非梧不棲

初學記職官
部侍御史註

太阿之劒世濟其美淬以清波斂以越砥如玉斯曜若

景在水不運自肅率土從軌

初學記
武部劒

玉有五德溫潤而澤有似於智銳而不害有似於仁抑
而不撓有似於義有瑕於內必見於外有似於信垂之

如墜有似於禮

初學記寶
器部玉

輕迅者莫如鷹捷者莫如虎惟良犬之稟性兼一雋

之勁武

初學記
獸部狗

犬則青鸕白雀飛龍虎子馴良捷警難狎易使也

初學
記獸

狗部

龜者陰蟲之老也龜三千歲上游於卷耳之上老者先

知故君子舉事必考之

初學記
鱗介部龜

逸論語曰璠璣魯之寶也孔子曰美哉璠璣遠而望之

栗若也近而視之瑟若也一則理勝一則孚勝

事類賦
寶貨部

玉註

木有扶桑梧桐松栢皆受氣淳矣異於羣類者也

事類賦木

部桐註

玉出崑山珠生南海遠方異域各生珍寶

何氏語林品藻

黃帝乃採首山之銅鑄鼎象物鼎成以象太一於雍州其鼎知吉知凶知存知亡能輕能重能息能行不灼而沸不汲而盈自生五味真神鼎也

黃帝本行記

天子之駿赤驥盜驪白義踰輪山子渠黃華騮騏驎

穆天

子傳

夫玉之為物也微以寡而石之為物也巨以衆故賤

寡故貴

道德經指
歸卷上

夫草木皆春生秋落必矣而木有松柏檀檀之倫百八

十餘種草有芝英萍實靈沼黃精白符竹蓂戒火長生

不死者萬數盛冬之時經霜歷雪蔚而不彫

列仙
傳

如水清珠能清濁水

波羅蜜多經卷
五百七十三

譬如金剛自體堅密刀不能斫火不能燒水不能爛毒

不能害

波羅蜜多經卷
五百七十二

如雪山中有妙藥樹枝條莖幹不枯不折

波羅蜜多經卷五百七十

二

如烏曇跋華時乃一現彼諸衆生發希有心起難遭

闕

金光明最勝

正經卷一

譬如一瑠璃珠勝於水精如須彌山

大寶積經卷一百一十二

又如大地是四種寶所生之處何等為四一者無價二

者上價三者中價四者下價

大寶積經卷一百一十九

譬如牛麝身命殄後雖是無識而牛有黃而麝有香能

為無量無邊有情作大饒益

大集地藏十輪經卷三

多羅寶樹周布圍繞鮮明可愛七寶合成其黃金樹白銀為葉及以華果白銀樹者真珠為葉及以華果真珠樹者琉璃為葉及以華果琉璃樹者玻瓈為葉及以華果玻瓈樹者瑪瑙為葉及以華果瑪瑙樹者磲磔為葉及以華果磲磔樹者赤真珠為葉及以華果赤真珠樹者珊瑚為葉及以華果珊瑚樹者真金為葉及以華果

大集菩薩三

昧經卷一

其菩提樹高顯殊持金剛為身琉璃為幹衆雜妙寶以
為枝條寶葉扶疎垂蔭如雲寶華雜色分枝布影復以
摩尼而為其果含暉發燄與華間列

大方廣佛華嚴經卷一

此日藏大寶光明照觸海水悉變為乳離潤大寶光明
照觸其乳悉變為酪火燄光大寶光明照觸其酪悉變
為酥盡無餘大寶光明照觸其酥變成醍醐

大方廣佛華嚴經卷

五十

一

譬如大海有四熾然光明大寶布在其底性極猛熱常

能飲縮百川所注無量大水是故大海無有增減

大方廣佛

華嚴經卷五十
一如來出現品

譬如金翅鳥王飛行虛空迴翔不去以清淨眼觀察海

內諸龍宮殿奮勇猛力以左右翅鼓揚海水悉令兩闢

大方廣佛華嚴
經卷五十二

譬如白梅檀以塗其身除諸惱熱得清涼樂

大方廣佛
華嚴經卷

五十
九

譬如離垢大摩尼寶處閻浮提能照四萬由旬日月宮

殿皆悉顯現

大方廣佛華嚴經卷五十九

譬如摩尼名淨光明有人以此瓔珞身者蔽餘寶光悉

如聚墨

大方廣佛華嚴經卷五十九

譬如憂陀伽婆羅梅檀若燒一銖智氣普熏小千世界

三千大千世界珍寶所不能及

大方廣佛華嚴經卷五十九

如摩尼寶體性清淨若有置於日月光中隨其所應各

雨其物

大乘蜜嚴經卷下

若有異國生即應草若以彼草著乳中者即成為酪不

移時節

出曜經
八行品

譬如金剛雖小能勝一切寶不得言少故不如多

大智
度論

七十
九

見貴

醯醢之美而煎鹽之尚貴天產也割刀之用而礪刀之

貴貴其義也聲和而后斷也

禮記郊
特牲

有虞氏之兩敦夏后氏之四璉殷之六瑚周之八簋

禮
記

明堂
位

凡為俎者以骨為主骨有貴賤殷人貴髀周人貴肩凡

前貴於後

禮記祭統

殷人貴髀周人貴肩者殷質貴髀之厚賤肩之薄周文

貴肩之顯賤髀之隱各隨所貴

禮記正義祭統

狗有吠守者有主獵者主獵者貴吠守者賤

春秋正義昭公二十

三年

君物龍臣物龜

三墳山墳

越俗以珠為上寶生女謂之珠娘生男謂之珠兒吳越

間俗說明珠一斛貴如玉者

述異記上

漢代賤輶車而貴輜輶魏晉賤輜輶而貴輶車

宋書禮志

鳳翥舉百羽從之鳳靡驚叱百鳥瘞之

師曠禽經

藥也其實董也桔梗也雞靡也豕零也是時為帝者也

何可勝言

莊子徐無鬼

曹氏之裂布絛者貴之然非夏后氏之璜

淮南子說林訓

春粟夏梨少鮮希有斗千石萬貴不可求

焦氏易林否之漸

牛皮為賤正三軍之衆

淮南子說山訓

凡字朋者羽蟲之長鳥者日中之禽鳥者知太歲之所
在燕者請子之候作巢避戊己所賢者故皆象形

許氏說文

卷一

桂江南木百藥之長

許氏說文卷十

土龍以求雨芻狗以求福時見貴也

淮南子說林訓解

土五行之尊者牛五畜之大者四行之牲無足以配土

德者故以牛為季夏食也

蔡中郎集月令問答

且鳥以反哺託體太陽羔以跪乳為贄國卿禽鳥之微

猶以孝寵

蔡中郎集
上孝子

虎豹之獸以其文貴

太玄經第
四文解

荔枝過即龍眼熟故謂之荔枝奴言常隨其後也

南方
草木

狀

藥草有時迭相為帝謂其王相休廢藥各得所用也

莊子

音義徐
無鬼

狐掖下之皮其毛純白集以為裘輕柔難得故貴今人

則以背毛為裘而棄其白蓋取厚而溫也

前漢書註
匡衡傳

鸞鳥比諸侯鶚比天子

李善註文選鄒陽上書吳王

集陳之隼以自遠而稱神栖漢之雀乃出幽而見珍補文

選鮑昭

野鵠賦

鼎以希出而世重之金鎡常用而世輕之

意林魏子

鼓不預五音而為五音主

意林中子

五穀者萬民之命國之重寶也

藝文類聚百穀部穀

橘柚之實堯舜所不常御山龍華蟲帝王不以為褻服

藝文類聚

樂部廿

昔人稱雞有五德至於寒蟬才齊其美而莫斯述夫頭
上有綏則其文也含氣飲露則其清也黍稷不享則其
廉也處不巢居則其儉也應候守節則其信也

事文類聚
蟬寒

序
蟬賦

瓦甒木杯比門所饒金觴玉爵萬家所無也

太平御覽
文部著書

下

八音之中唯絲最密而琴為之首

太平御覽
樂部琴下

荆山不貴玉鮫人不貴珠

太平御覽
珍寶部玉下

鯉最為魚之主

埤雅品物門鯉

葵為百菜之主

埤雅卉物門葵

鳳為羽族之美麟為毛類之俊龜龍為介蟲之長梗枏

南為衆材之最是物之貴也

初學記鳥部鳳

譬如師子獸中之王若其死已虎狼鳥獸無有能得食

其肉者

大寶積經卷一百一十三

譬如真金為無價寶若無真金銀為無價若無銀者鍮石為無價若無鍮石偽寶為無價若無偽寶赤白銅鐵

白鎔鉛錫為無價寶

大集月藏
經卷九

喻林卷一百十九

欽定四庫全書

喻林卷一百二十

明徐元太撰

物宜門

五

順性

竊脂肉食今無肉而循場啄粟失其天性不能以自活

鄭氏箋

詩小宛

孫之性善登木泥之性善著物因其所善而教用之故

言必也

毛詩正義角弓

齊大夫諸子有犬犬猛不可叱叱之必噬人客有請叱之者疾視而徐叱之犬不動復叱之犬遂無噬人之心

戰國策

韓襄王

黃帝與炎帝戰於阪泉之野師熊羆狼豹羆虎為前驅
鵬鷄鷹鳶為旗幟此其以力使禽獸者也堯使夔典樂
擊石拊石百獸率舞簫韶九成鳳凰來儀此以聲致禽
獸者也然則禽獸之心奚為異人形音與人異而不知
接之道焉聖人無所不知無所不通故得引而使之

禽獸之智有自然與人同者其齊欲攝生亦不假知於人也牝牡相偶母子相親避平依險違寒就溫居則有羣行則有列小者居內壯者居外飲則相攜食則鳴羣大古之時則與人同處與人並行帝王之時始驚駭散

亂矣

列子
黃帝

周宣王之牧正有役人梁鶩者能養野禽獸委食於園庭之內雖虎狼鵲鴉之類無不柔馴者雌雄在前孳尾成羣異類雜居不相搏噬也王慮其術終於其身令毛

丘園傳之梁鵞曰鵞賤役也何術以告爾且一言我養虎之法夫食虎者不敢以生物與之為其殺之之怒也不敢以全物與之為其碎之之怒也時其饑飽達其怒心虎之與人異類而媚養已者順也故其殺之逆也然則吾豈敢逆之使怒哉亦不順之使喜也夫喜之復也必怒怒之復也常喜皆不中也今吾心無逆順者也則鳥獸之視吾猶其儕也故游吾園者不思高林曠澤寢吾庭者不願深山幽谷理使然也

列子
黃帝

天道無為聽恣其性故放魚於川縱獸於山從其性命之欲也不驅魚令上陵不逐獸令入淵者何哉拂詭其性失其所宜也

王充論衡自然篇

松樅高千仞而無枝非憂王室無柱

太平御覽木部樅

司南之杓投於地其柄南指魚肉之蟲集地北行自然之性也

太平御覽蟲豸部蟲

藥性有宜凡者宜散者宜水煎者宜酒漬者宜膏煎者亦有一物兼宜者亦有不可入湯酒者並隨藥性不得

遠越

本草一卷

譬如香鳥為人所縛雖有良師不能禁制須絕羈鎖自

恣而去

元陽妙經卷十

譬如蛇行本性好曲若入竹筩則直出筩還曲

大智度論卷九

二十

人為

石雖堅尚可轉席雖平尚可卷

毛詩柏舟註

鍾氏染羽以朱湛丹秫三月而熾之淳而漬之三人為

纁五入為緇七入為緇

周禮考工記

土偶之成也有貴有賤有士有女其實土其壤土人哉

闕尹子

六七

宋人有為其君以玉為楮葉者三年而成鋒殺莖柯毫芒繁澤亂之楮葉中而不可別也此人遂以巧食宋國

子列子聞之曰使天地之生物三年而成一葉則物之

有葉者寡矣故聖人恃道化而不恃智巧

列子說符

牛馬四足是謂天絡馬首穿牛鼻是謂人故曰無以人

滅天無以故滅命

莊子秋水

牛跂蹠而戴角馬被髦而全足者天也絡馬之首穿牛之鼻者人也循天者與道游者也隨人者與俗交者也

淮南子

原道訓

斂諸攻玉无不穿鑿

焦氏易林艮之明夷

燔埴為瓦則可爍瓦為銅則不可以自然驗於不然說

哉敵犬羊之肉以造馬牛不幾矣

申鑒俗嫌

陶者用埴為簋廉簋廉一成遂至毀敗不可復變若夫

治者用銅為枰杆枰杆雖已成器猶可復爍枰可得為

尊尊不可為簋

王充論衡
無形篇

伐根生以飾無用捕飛禽以供華玩穿本完之鼻絆天

放之脚蓋非萬物並生之意

抱朴子外
篇詰鮑

南山有木名為柘良工採之何以射

太平御覽
人事部笑

塗青蚨而還錢埋蜻蛉而變珠

埤雅品物
門蜻蛉

作龍者施木為骨緄繒為皮丹黃為文翠羽為鱗水以

游之風以嬉之

初學記鱗
介部龍註

譬如水本非藥以藥內水中而煮之由藥發起水使水

亦成藥

隨相論
卷上

制器

升景山掄材木取松栢易直者斷而遷之正斷於椹上

以為桶與衆楹

鄭氏箋
詩殷武

百工之事皆聖人之作也爍金以為刃凝土以為器作

車以行陸作舟以行水此皆聖人之所作也

周禮考
工記

一器而工聚焉者車為多

周禮考
工記

輪人為輪斬三材必以其時三材既具巧者和之穀也者以為利轉也輻也者以為直指也牙也者以為固抱也輪敝三材不失職謂之完

周禮考工記

凡察車之道必自載於地者始也是故察車自輪始凡察車之道欲其樸屬而微至不樸屬無以為完久也不微至無以為戚速也輪已崇則人不能登也輪已庠則於終古登阨也

周禮考工記

輻廣而鑿淺則是以大扞雖有良工莫之能固鑿深而

輻小則是固有餘而強不足也凡為輪行澤者欲杼行
山者欲侔杼以行澤則是刀以割塗也是故塗不附侔
以行山則是搏以行石也是故輪雖敝不甌於鑿

周禮考工

記

凡居材大與小無并大倚小則摧引之則絕

周禮考工記

弓人為弓取六材必以其時六材既聚巧者和之幹也
者以為遠也角也者以為疾也筋也者以為深也膠也
者以為和也絲也者以為固也漆也者以為受霜露也

周禮考

工記

凡析幹射遠者用執射深者用直居幹之道菑栗不迤

則弓不發

周禮考
工記

革欲其茶白而疾澣之則堅欲其柔滑而脰脂之則需
引而信之欲其直也信之而直則取材正也信之而枉
則是一方緩一方急也若苟一方緩一方急則及其用
之也必自其急者先裂若苟自急者先裂則是以博為

憊也

周禮考
工記

辟甲壽百年兕甲壽二百年合甲壽三百年凡為甲必先為容然後制革權其上旅與其下旅而重若一

周禮考工

記

鐘大而短則其聲疾而短聞鐘小而長則其聲舒而遠

聞

周禮考工記

金有六齊六分其金而錫居一謂之鐘鼎之齊五分其金而錫居一謂之斧斤之齊四分其金而錫居一謂之戈戟之齊參分其金而錫居一謂之大刃之齊五分其

金而錫居二謂之削殺矢之齊金錫半謂之鑒燧之齊

周禮考

工記

凡為弓各因其君之躬志慮血氣豐肉而短寬緩以荼
若是者為之危弓危弓為之安矢骨直以立忿執以奔
若是者為之安弓安弓為之危矢其人安其弓安其矢
安則莫能以速中且不深其人危其弓危其矢危則莫
能以愿中

周禮考
工記

金與錫黑濁之氣竭黃白次之黃白之氣竭青白次之

青白之氣竭青氣次之然後可鑄也

周禮考工記

金謂之鏤木謂之刻骨謂之切象謂之磋玉謂之琢石

謂之磨

爾雅

象謂之鵠

音斛

角謂之𦥑

音嶽

犀謂之剡

音錯

木謂之剡

音鐸

玉

謂之雕

爾雅

葛生衍蔓絺綌為願

焦氏易林兌之謙

百工者所使備器也器以便事為善以膠固為上今工

好造彫琢之器巧偽飾之以欺民取賄物以任用為要

以堅牢為資今商競鬻無用之貨淫極侈之弊以惑民

取產雖於淫商有得然國計愈失矣

潛夫論
務本

輪輿轆軸各自有材故曰數官然後成

呂氏春秋
君守解

天下之物未必皆自成亦有須冶煅而為器者

郭子註
莊大宗

師

矩雖為方而非方規雖為圓而非圓譬繩為直而非直

也

莊子音
義天下

海中有大魚曰鯨海邊又有獸名蒲牢蒲牢素畏鯨鯨

魚擊蒲牢輒大鳴凡鐘欲令聲大者故作蒲牢於上所

以撞之者為鯨魚

李善註文選東都賦

鄞山破而出錫若耶涸而出銅歐冶因為純鈎之劍

藝文

類聚寶

部銅

古有作車象月之數月有三十日車有三十輻夫月之懸天流行不息車之輹地亦運載無停是故古車以象

月也

道德經註疏卷一

譬如陶師取好泥團安在輪上隨其器物形勢安布令

無差舛

大寶積經
卷五十六

譬如泥丸中具有餅竈等性以泥為餅破餅為竈如是

轉變都無所失

大智度論
卷七十

審用

陟彼阿丘言采其蟲蟲貝母也升至偏高之丘采其蟲

者將以療疾

毛詩
載馳

鷺鳥之羽可以為翳

毛詩宛
丘註

蓑所以備雨笠所以禦暑

毛詩無
羊註

鴈者隨陽而處似婦人從夫故昏禮用焉

鄭氏箋詩
鮑有苦葉

白桺相樸屬而生者枝條芄芄然豫所以為薪至祭皇

天上帝及三辰則聚積以燎之

鄭氏箋
詩棫樸

天下之大獸五脂者膏者羸者羽者鱗者宗廟之事脂

者膏者以為牲羸者羽者鱗者以為筍虞

周禮考
工記

古之君子必佩玉右徵角左宮羽鄭玄云徵角在右事

也民也可以勞宮羽在左君也物也宜逸

春秋正義
定公五年

瓜曰華

胡化切

之桃曰膽之棗李曰蕘

音帝

之櫨梨曰鑽

管子

切之爾雅

既差我馬差擇也宗廟齊毫戎事齊力田獵齊足

爾雅

淮南有懶婦魚俗云昔揚氏家婦為姑所溺而死亡為魚焉其脂膏可燃燈燭以之照鳴琴博奕則爛然有光及照紡績則不復明焉

述異記上

一曰舉日章則晝行二曰舉月章則夜行三曰舉龍章則行水四曰舉虎章則行林五曰舉鳥章則行陂六曰舉蛇章則行澤七曰舉鵠章則行陸八曰舉狼章則行

山九曰舉韓章則載食而駕

管子兵法

冠雖穿弊必戴於頭履雖五采必踐之於地

韓非子外儲說左下

殺人於百步之外者弓矢也殺人於五十步之內者矛

戟也

尉繚子制談

大戟去水亭歷愈張用之不節及反為病

淮南子終稱訓

和氏之璧隋侯之珠出於山淵之精君子服之順祥以

安寧侯王寶之為天下正

淮南子說山訓

或問犁牛之鞮與玄駢之鞮有以異乎曰同然則何以

不犂也曰將致孝乎鬼神不敢以其犂也如剗羊刺豕

罷賓搞師惡在犂不犂也

揚子修身

虞書曰予乘四載水行乘舟陸行乘車山行乘櫟澤行

乘軺

許氏說文卷十

蕩可為幹篠可為矢

許氏說文卷十

橦梓屬大者可為棺槨小者可為弓材

許氏說文卷十

春薦韭卯夏薦麥魚秋薦黍豚冬薦稻鴈制無常牲取

與新物相宜而已

蔡中郎獨斷

洗滌泥者以水燔腥生者用火水火道也用之者事也

事末於道

王充論衡
程材篇

穀之始熟曰粟舂之於臼簸其粃糠蒸之於甑爨之以
火成熟為飯乃甘可食可食而食之味生肌腴成也粟

未為米米未成飯氣腥未熟食之傷人

王充論衡
量知篇

崇吾之山有木焉圓葉而白柎赤華而黑理其實如枳

食之宜子孫

山海經
西山經

不周之山爰有嘉果其實如桃其葉如棗黃華而赤柎

食之不勞

山海經
西山經

符禺之山其上有木焉名曰文華其實如棗可以已聾

其草多條其狀如葵而赤華黃實如嬰兒舌食之使人

不惑

山海經
西山經

乾麻不長天狗不大厥質雖小攘災除害

山海經西
山經圖讚

鵠鵠三頭獠獸三尾俱禦不祥消凶辟昧君子服之不

逢不避

山海經西
山經圖讚

鍾山之寶爰有玉華符彩流映氣如虹霞君子是佩象

德閑邪

山海經西
山經圖贊

青丘之山有鳥焉其狀如鳩其音如呵名曰濯濯佩之

不惑

山海經
南山經

亶爰之山有獸焉其狀如狸而有髦其名曰類自為牝

牡食者不妬

山海經
南山經

基山有獸焉其狀如羊九尾四耳其目在背其名曰獬

訑佩之不畏

山海經
南山經

侖者之山有木焉其狀如穀而赤理其汁如漆其味如

飴食者不饑可以釋勞

山海經
南山經

龍侯之山決決之水出焉而東流注于河其中多人魚

其狀如鯢魚四足其音如嬰兒食之無癡疾

山海經
北山經

北嶽之山諸懷之水出焉而西流注于囂水其中多鰕

魚魚身而犬首其音如嬰兒食之已狂

山海經
北山經

縣雍之山晉水出焉而東南流注于汾水其中多鰕魚

其狀如鯢而赤鱗其音如吒食之不驕

山海經
北山經

帶山彭水出焉而西流注于北湖之水其中多鯢魚其

狀如雞而赤毛三尾六足四首其音如鵲食之可以已

憂

山海經
北山經

陽鑒動日土蛇致宵微哉鯀魚食則不驕

山海經北
山經圖讚

牛首之山有草焉名曰鬼草其葉如葵而赤莖其秀如

禾服之不憂

山海經
中山經

霍山有獸焉其狀如狸而白尾有鬣名曰𧢲𧢲養之可

以已憂

山海經
中山經

抱木生於水松之旁若寄生然極柔弱不勝刀鋸乘濕

時刻而為履易如削瓜既乾則韌不可理也

南方草木狀

結芻為狗巫祝用之

莊子音義天運

樓航不挹漿衝車不載齋

揚子法言註君子篇

使牛捕鼠雖大無施

揚子法言註君子篇

府庫之藏金玉筐篚之橐簡書

李善註文選應璩百一詩

桓公伐孤竹行出山中無水隰朋曰蟻冬居山之陽夏

居山之陰蟻壤寸而有水使掘之果得水焉

意林韓子

桓公伐孤竹失道管仲曰老馬之智可用遂縱馬從而

得歸

意林
韓子

子路見孔子豬肩牛膊可以得兆何必著龜孔子曰著者耆也龜者舊也孤疑之事當問耆舊耆龜者未可神也取其名耳

意林
論衡

凡律度量衡用銅者所以同天下齊風俗也銅為物至精不為燥濕寒暑變其節不為風雨曝露改其形似於士君子之行是以用銅也

藝文類聚
寶部銅

用藥者得良藥則活人得惡藥則殺人

太平御覽
方術部醫

輕舟可以救溺濡幕可以濟焚

太平御覽舟部教舟中

樂車無牛馬而能行者獨一人所致耳

太平御覽車部鹿車

東夷之人以牛骨占事呈吉示凶無不中牛非智之物

骨者若此之効

太平御覽方術部牛蹄

葛小人得其葉以為羹君子得其材以為絺

太平御覽百卉部葛

叅絲之絞以絃琴緩張則撓急張則絕

太平御覽布帛部絲

啼人者絆其足嚙人者截其耳

埤雅品物門犬

傳弓以燕牛之角纏弓以荆麋之筋糊弓以河魚之膠

埤雅品

物門 筋

艾可又疾久而彌善

埤雅品
物門 艾

今夫農時雨既至脫衣就功首戴茅蒲身衣襪襖

襪
襪
襪

衣也○爾

雅翼臺

五弓弧弓以授射甲革楫質者夾弓庾弓以授射豸侯

鳥獸者唐弓大弓以授學射者使者勞者

玉海兵
制弓矢

凡矢枉矢絜矢利火射用諸守城車戰殺矢鏃矢用諸

近射田獵贈矢第矢用諸弋射恒矢庫矢用諸散射

玉海

兵制

弓矢

秋禽之肥易牙和之非不美也彭祖以為傷壽故不食

困學紀聞

卷十諸子

上藥一百二十種為君主養命以應天無毒多服久服
不傷人欲輕身益氣不老延年者本上經中藥一百二
十種為臣主養性以應人無毒有毒斟酌其宜欲遏病
補虛羸者本中經下藥一百二十五種為佐使主治病
以應地多毒不可久服欲除寒熱邪氣破積聚愈疾者

本下經

本草上
藥卷一

療寒以熱藥療熱以寒藥飲食不消以吐下藥治疰蟲
毒以毒藥癰腫瘡瘍以瘡藥風濕以風濕藥各隨其所

宜

本草
一卷

藥有陰陽配合子母兄弟根莖花實草石骨肉有單行
者有相須者有相使者有相畏者有相惡者有相反者
有相殺者凡此七情和合視之當用相須相使者良勿
用相惡相反者若有毒宜制可用相畏相殺者不爾勿

合用也

本草一卷

地不為獸生芻而獸食芻不為人生枸而人食枸無為

於萬物而萬物各適其所用則莫不贍矣

道德經註

如陶師輪繩是為作因如燈燭照闇中物是名了因

元陽

妙經卷九

草生五色五色之變不可勝視草生五味五味之美不

可勝極嗜欲不同各有所通

黃帝素問內經六節藏象論

凡刺之要官鍼最妙九鍼之宜各有所為長短大小各

有所施也不得其用病弗能移

黃帝素問靈樞經官鍼

膏粱菽藿之味何可同也氣滑即出疾其氣濇則出遲
氣悍則鍼小而入淺氣濇則鍼大而入深深則欲留淺
則欲疾以此觀之刺布衣者深以留之刺大人者微以
徐之此皆因氣慄悍滑利也

黃帝素問靈樞經根結

譬如持燒熱餅詣河取水若池若井若泉若渠當知此
餅終不爛壞何以故是餅善熟堪任盛水極堅牢故

波羅

蜜多經卷三

百一十二

譬泥之在均金之在鍛唯所用耳豈有限哉

波羅蜜多經卷五百

九十
一序

如人披求芭蕉莖實雖不可得而有葉用

波羅蜜多經卷五百九十

六

譬如諸大城中所棄糞穢若置甘蔗蒲桃田中則有利

益

大寶積經卷一百一十二

譬如好酒香味具足是酒之醍醐醑取已盡下有糟滓

人所惡賤無所施用

大寶積經卷一百一十三

譬如畫堂不以焦柱而作莊嚴

僧伽吒經卷一

譬如有人以木挑火木則漸燒

僧伽吒經卷三

猶如箭工用檢撓箭其箭已直不復用檢所以者何彼

人本所為者其事已成

中阿舍經卷四

猶如居士為過泉水故作通水槽持斧入林如打諸樹
若堅實者其聲便小若空中者其聲便大居士知己便

斫治節擬作通水槽

中阿舍經卷二十九

如世人有三種甕有一水甕堅完不損無有孔裂亦無

滲漏其第二瓮亦完不破無有孔裂少有滲漏第三瓮者亦破亦漏彼人注水應先何器對曰先於不破漏者完器滿已注第二器其第二器雖完不破然小滲漏其第三瓮雖復漏破亦應注水為未漏間暫得用

別譯禰阿含經

卷十
五

若人食油則得力若食蘇者得好色食麻滓菜無色力

大智度
論卷二

譬如利刀以割泥土遂成鈍器

大智度論
卷十四

如人得利刀宜應有益中用不於無益中用

十住毘婆沙論卷八

失實

鼎之為義下實上虛是空以待物者也鼎耳之用亦宜空以待鉉今九三處下體之上當此鼎之耳宜居空之地而以陽居陽是以實處實者也既實而不虛則變革鼎耳之常義也常所納物受鉉之處今則塞矣

周易正義鼎

雖則七襄不成報章

音莞

彼牽牛不以服箱東有啓明

西有長庚有捄天畢載施之行

詩小雅大東

東方有啓導日明之星西方有增長續日之星此亦何

曾能有啓續乎

毛詩正義大東

睨然而明者彼牽牛之星雖則有牽牛之名而不曾見

其牽牛以用於牝服大章之箱也

毛詩正義大東

棼然而長者在天之畢也徒則施之於二十八宿之行

列而已亦何曾見其掩兔載肉之用乎

毛詩正義大東

織之用緯一來一去是報反成章今織女之星駕則有

西而無東不見倒反是有名無成也

毛詩正義大東

觚不觚觚哉觚哉

論語
雅也

一升曰爵二升曰觚觚哉觚哉言非觚也以喻為政不

得其道則不成

何宴解
論雅也

不揣其本而齊其末方寸之木可使高於岑樓金重於


羽者豈謂一鈞金與一輿羽之謂哉

孟子
告子下

不節其數累積方寸之木可使高於岑樓岑樓山之銳
嶺者寧可謂寸木高於山邪金重於羽謂多少同而金
重耳一帶鈞之金豈重一車羽邪如取食色之重者比

禮之輕者何翅食色重哉

趙氏註孟
告子下



喻林卷一百二十